

## TALOW MA NABI MUXAMAD ﷺ IN LAGU BEEN ABUURTAAN FUDUD MISE SHEEKHIINA IN LAQABTAA ADAG

الحمد لله رب العالمين والصلوة والسلام على رسول الله وعلى آل وصحبه وسلم

Intaas kadib waxaan aqriyay qoraalo ay soo qoreen labo qof oo lakala dhaho Maxamed xirsi guuled iyo Axmed cartan, labadaasi qof waxa ay isku dayeen inay ka jawaabaan su,aalo ay direen Fadiilatu Sh Maxamed Cabdi Umal iyo Fadiilatu Sh Maxamuud Maxamed Shibli , una direen Sh xasan maxamud takar, kuna saabsanaayeen inuu sheikh xasan kasoo jawaabo Axaadiis uu ku been abuurtaay Suubanaheena muxamad (صلى الله عليه وسلم).

Walaalaha isku dayay in ay ka jawaabaan Axaadiis-taas been abuurka ahayd ee uu dajiyay Sh. Xasan Maxamud Takar lagana cadsaday inuu meel ku sheego ma aysan ka hadlin axaadiis-taas, oo waxa ay aadeen meelo kale.

Waxaan walaalaha waydiin lahaa Tolow ma Nabi Muxamad ﷺ in lagu been abuurtaa fudud mise sheekhiina in la qabtaa adag.

Mise tacasubka ama kooxeysiga ayaa idinkala waynaadey ku been abuurka Nabigeena Muxamad ﷺ .

Bal ila eega Axaadiista la waydiyyay sheikh Xasan Takar iyo jawaabaha ay bixiyeen walaalaha isku dayay in ay sheikh Xasan Takar difaacaan.

الحادي الأول : تقتلون باسم الإرهاب.

الحادي الثاني: إذا حاصر العراق وجوع أطفاله عند ها يخرج المهدى.

الحادي الثالث: بين المهدى الصادق والكافر القحطانى عشرون سنة.

الحادي الرابع: إذا خرج المهدى فأكثر الناس فرحا بأهل العراق لما فيه الشدة.

الحادي الخامس: ينزل الدجال على قصر الملك في الجرف.

Walaalka soo qoray maqaalkii ahaa ( Xadiisyadii lagu haystay Sheekh Xasan Takar Tolow ma kuwanaa? ) waxa uu yiri isaga oo ka jawaabaya xadiis-ka hore ee been abuurka ah.

(Jawaab 2: *Jawaab aan ku kalsoonaado ma helin, laakiin xadiisyo saxeex ah ayaa tilmaamaya in ay reer RUUM, ka dalbanayaan muslimiinta qaarkood in ayna ka hor joogsan muslimiin kale oo dhibaato u geysatay. Haddii aanu sheekh Xasan Takar*

*xadiiskaas u jeedin ma helin mid kale oo sharrax noocaas ahi soo geli karo. Markaas waan ka boodayaa su'aashan oo jawaab uma hayo. Waanse sii wadayaa baaritaanka insha Allaahu).*

Waxaan walaalka ku raacsanahay in uusan helin jawaab uu ku kalsoonaankaro, waxaa kaloo aan walaalka ugu sii darayaa In uusan heli doonin jawaab ku aadan xadiiskaas been abuurka ah oo aan ka ahayn in uu waano u diro Sh Xasan Maxamuud Takar uguna nasteeexeyyo in uu Allaah u laabto, waayo waxa uu ku dhacay dembi khatar ah keeni kara gaalnimo.

Waxaan walaalka leeyahay xadiis-ka aad keentay iyo kan lawaydiyyay Sh Xasan Takar waa kaaf iyo kala dheeri , xadiiska aad keentay arinka uu ka hadlayo waaba arin horey u dhacdey xilgii heshiiskii xudeybiyah iyo kadib , ee waxaan weli sugeynaa in Sh Xasan Takar xadiis-kaas meel ku sheego isaga oo mahadsan.

عن أبي نصرة ، قال : كنا عند جابر بن عبد الله فقال : يوشك أهل العراق أن لا يجبي إليهم قفيز ولا درهم ، قلنا : من أين ذاك ؟ قال : من قبل العجم ، يمنعون ذاك ، ثم قال : يوشك أهل الشام أن لا يجبي إليهم دينار ولا مدي ، قلنا : من أين ذاك ؟ قال : من قبل الروم ، ثم سكت هنية ، ثم قال : قال رسول الله صلى الله عليه وسلم : " يكون في آخر أمتي خليفة يحيى المال حثيا ، لا يعده عددا " قال قلت لأبي نصرة وأبي العلاء : أتريان أنه عمر بن عبد العزيز فقالا : لا

Waxaan walaalka waydiinaya xadiiska been abuurka ah ee lawaydiyyay Sh Xasan Takar ma kanaad sheegtey baa mise waa kan إذا حوصل العراق وجوع أطفاله عند ها يخرج المهدى:

Mabanaan tahay mase ku taageersantahay in xadiiskan been abuurka ah Nabi muxamad صلي الله عليه وسلم loo tiiriyo, waxaan ku leeyahay walaalow ha taageerin nin ku dhiiradey in Nabigaaga صلي الله عليه وسلم ku been abuurto waayo waxaad halis ugu jirtaa inaad isaga lamid noqoto.

Wuxuu kaloo walaalku yiri (Jawaab 3: Waxa jira aathaar aanan xaqiijin karin darajadooda iyo sugnaantooda oo sheegaya laba mahdi oo ay u dhaxayso 20 sano. Ka dambe waa Mahdiga Nebi Ciise (sc) la kulmi doono. wuxu atharkani ku jiraa kitaab uu qoray Jalaaludiin Al-suyuudi oo magaciisa la yidhaahdo **العرف الوردي في أخبار المهدى boga 65** kadibna walaalka waxaa uu keeney Atharkan:

عن أرطاة ، قال : "بلغني أن المهدى يعيش أربعين عاما ، ثم يموت على فراشه ، ثم يخرج رجل من قحطان متقوب الأذنين ، على سيرة المهدى ، بقاوه عشرين سنة ، ثم يموت قتلا بالسلاح ، ثم يخرج رجل من أهل بيت النبي صلى الله عليه وسلم مهدي حسن السيرة ، يفتح مدينة قيصر ، وهو آخر أمير من أمة محمد صلى الله عليه وسلم ، ثم يخرج في زمانه الدجال ، وينزل في زمانه عيسى ابن مريم عليه السلام

Walaalka waxaan ku baraarujinaya laba arimood:

Mida1aad: Macnaha uu ku fasiray Atharka waa macno ka gedisan macnaha uu Atharka ka hadlayo, waxaa uu ka hadlaya mudada uu joogayo Mahdiga , walaalkana waxa uu ku fasiray mudada u dhaxeysa labada mahdi.

Mida 2aad: walaalka waxaan dhihi lahaa walaalow waxaadan hubin maxaad usoo guurisey oo maxaad u sugi waydey inta aad ka xaqiijinnayso sugnaashaha Atharkan.

Mida kale Atharkan saxiix ma ahan bal Nuceym ibnu xamaad laftigiisa ayaa sheegey inuu Munqad hic yahay bal waxaad eegtaa kitaabkiisa Alfitan ما يكون بعد المهدى Nambarka Ataharka 1194.

Waxuu kaloo walaalki yiri ( *Waxa jira athar ama xadiis mawquuf ah oo laga soo wariyey Cabdillaahi Bin Camar Bin caas*. Ma ogi darajada saxeexnimadiisa laakiin haddii uu ansaxo wuxu yeelanayaa xukunka marfuuca. Wuxu tilmaamayaa in dadka ugu farxadda badnaanaya soo bixitaanka Mahdiga ay yihiin reer Kuufa (reer Ciraaq). ka fiiri isla kitaaabka jalaaludiin al-suyuudi ee kor ku xusan bogga 43. wuxu atharku u dhiganyahay sidan:

Waxaan walaalka leeyahay walaalow Culimadu ma aysan waydiin Sh xasan takar sugnaashaha Atharkan aad keentey ee waxaa lawaydiyyay xadiiskii uu sheikh xasan keenay ee lafdigiisa ahaa إذا خرج المهدى فأكثر الناس فرحا بأهل العراق لما فيهم الشدة cida warisey, hadii aad haysana noo keen aan kaa faaiidnee, hadii kale garab ha u noqon qof Nabi Muxamad صلى الله عليه وسلم ku been abuurtay.

Mida 2aad: Athar-kan waxay culimadu ku sheegaan fadliga magaalada Kuufa oo Ciraaq kamid ah, waxayna u daliishadaan in Mahdigu kasoo bixi doono Kuufa ee aqri baabka uu Ibnu Abii Shayba Musanaf-kiisa uu kaga hadlayo.

Waxuu kaloo yiri (**Jawaab 5: Waxa jira xadiisyo saxiix ah oo kutubo badan ku soo arooray oo xusaya in Dajjaal degayo meesha la yiraahdo Juruf** oo ah goob macruuf ah oo ku taal duledka Madiina. Xadiisyadaas waxan ka soo qaadanayaaa xadiis uu soo saaray Imaamu Xaakim. waxan ka soo guuriyey الصحيح المسند من احاديث الفتنة والملامح bogga 496 . wuxu u dhiganyahay sidan:

عن محجن بن الأدرع رضي الله عنه ، أن رسول الله صلى الله عليه وسلم خطب الناس ، فقال : ” يوم الخلاص وما يومن ثلاث مرات ، فقيل : يا رسول الله ما يوم الخلاص ؟ فقال : ” يجيء الدجال فيصعد أحدا فيطلع فينظر إلى ” الخلاص المدينة ، فيقول لأصحابه ألا ترون إلى هذا القصر الأبيض ، هذا مسجد أحمد ، ثم يأتي المدينة فيجد بكل نقب من نقابها ملكا مصلتا ، فيأتي سبخة الجرف فيضرب رواقه ثم ترتفع المدينة ثلاثة رجفات ، فلا يبقى منافق ولا منافق ، ولا فاسق ولا فاسقة إلا خرج إليه ، فتخلص المدينة وذلك يوم الخلاص ” ” هذا حديث صحيح على شرط مسلم ، ولم يخرجه ” \* قال الشيخ مصطفى العدوي في الصحيح المسند من احاديث الفتنة والملامح صحيح لشواهد

Waxaan leeyahay walaalka qoraalka iska leh waxaa lawaydiiyay Sh Xasan Takar xadiiska oranaya **Dajaal waxuu kusoo dagayaa Juruf guriga bogorka**, Xadiith-ka aad sheegtey kuma jirto (**guriga bogorka**) ee waxaa lagaa rabaa inaad soo dhamaystirto, waayo inta aad sheegtay waa xadiith macruuf ah intiisa kale, mana filayo inaad keeni karto lafdigaas sidaas u qoran ee waxaan ku oran lahaa walaalow ha difaacin nin Rasuulkeena ﷺ وسلام ku been abuurtay.

Halkas waxaan uga baxayaa Maqaalkii uu soo qoray walaalka Maxamed Xirsi Guled, waxaana u daadegayaa Maqaalkii walaalka Axmed Cartan , waxaan leeyahay anigoo Allaah kaalmaysana sida tan:

Walaalka waxa uu ku sheegey qoraalkiisa inuu ugu gargaarayo walaalkisa muslimka ah sh Xasan Takar dulmigii loo geystey oo ah inay ku been abuurteen labadan sheikh oo kala ah Sh Umal iyo Sh Shibli ( حفظهما الله من شره ), waxuu kaloo sheegey in uu daaha ka feydayo wejiyada xun ee aan aqoon qadarka nafteeda, isaga oo walaalka ugala jeedo Culimadaas ajillada ah Sh Umal iyo Sh Shibli ( حفظهما الله من شره ).

Waxuu kaloo walaalku sheegey inuu ugu baaqayo labaas qof oo kala ah Sh Umal iyo Sh Shibli iyo dadka u durbaantuma waa sida uu hadalka u dhigaye inay ka noqdaan been abuurka ay ku sameeyeen Sh Xasan Takar, ka hor inta uusaan soo saarin Axaadiis-ta kale.

Waan qoslay markii aan jumladaasi aqriyay sida uu walaalku u goodinayo iyo sida uu hub la,aan u yahay , waxaan hubka uga jeeda daliil uu isku difaaco .

Walaalka Axaadiis-tii been abuurka ahaa dhamaantood kama uusan wada jawaabin, laakin hal xadiith ayuu isku dayay in uu ka jawaabo iyada oo jawaab-tiisu khilaafsan tahay waxii lagu haystay sheekhiisa Xassan Takar oo ah xadiiskan: قتلن باسم الإرهاب .

Walaalka waxa uu sheegey in xadiith-kan isaga oo marfuuc ah iyo isaga oo Mowquuf ah ba in ay soo arooreen kadibna waxa uu keeney Axaadiistan:

الوجه الأول: عن عائشة رضي الله عنها عن النبي صلى الله عليه وسلم قال: «سيكون بعدي أمراء يستحلون الخمر بالبيت، والبخس في الصدقة، والقتل بالموعظة، يقتل البريء ليوطئوا به العامة»

Xadiithkan waxaa soo saaray Al-imaam ibnu cadiyi kitaabkiisa Alkaamil, xadiithkan waa xadiith daciiif ah dacfiguisuna uu aad u daran yahay waxaana kujira nin layiraahdo:

الحكم بن عبد الله الألبي

المتهم بالكذب؛ من الوضاعين؛ متزوك  
Waana nin Culimada xadiith-ka ku sheegen inuu yahay  
waxaad ka heli kartaa wawa ay Culimada xadiithka ka dhaheen ninkan  
لسان الميزان 2\332 ميزان الإعتدال 1\572 رقم 2183 تاريخ دمشق 15\15 الجرح والتعديل 3\120 الكلمل في الضعفاء 480\2

Sidaa daraadeed lama soo daliishan karo, waxaan la yaabanahay walaalkii goodinayay  
mawaxay awoodiisu noqotay in uu lasoo shir tago xadiiska xaalkiisu sidan yahay.

Arinka kale waxaan walaalka ka filayay inuu keeno xadiiska been abuurka ahaa oo uu meel  
ku sheego, laakin kadaroo dibi dhal bay howshu noqotay.

Walaalka waxa kaloo uu soo daliishaday xadiithkii Al-imaam Awzaaci uu ka warinayo Nabi  
Muxamad صلی الله علیه وسلم isaguna waa xadiith mucdal ah (مغضّل) xadiithka mucdalkana  
عن الإمام الأوزاعي عن النبي صلی الله علیه وسلم  
waxa uu kamid yahay qaybaha diciifka, waxuuna u qornaa sidan:  
عليه وسلم قال: «يأتي على الناس زمان يستحل فيه الربا بالبيع والخمر بالنبيذ والبخس بالزكاة والسرقة والقتل بالموعة»

Waxaan hadalkeyga ku soo koobayaa weli waxaan sugeynaa in Sh Xasan Takar uu naga  
shaafiyo axaadiistaas been abuurka ah, waxaan kaloo walaalaha difaacaya Sh Xasan oran  
lahaa Allaah kacabsada ha ku taageerina baadil wadaadka .

Waxaa la qorey maqaalkan 26/01/1433 oo ku aadan 21 Dec. 11

Xudeyfa raage cali

E-mail: xudeyfa@msn.com